

Vox Clamantis

IN

*10 Ad*

*K. England.*

DESERTO

AD

*693. 122*  
*4*

*Ministros Angliæ*

Nuper ejectos, & adhuc  
silentio & suspensione  
mulctatos ;

reviter subinnuens *hæc v's cō n' q' &* cau-  
sus præsentis flagelli & remedia.

*per magistrum Polier. Lond. 1666.*



Anno Dom. 1666.

Nov. 10. 1891

21

Oct. 20. 1891

Nov. 10. 1891

Nov. 10. 1891

Nov. 10. 1891

Nov. 10. 1891

ci  
fi  
re  
fo  
no  
mi  
is  
to



## PRÆFATIO.



Pus quod aggredior, licet nunquam interpestivum & hodie imprimis opportunum, in hoc tamen rerum & animorum statu facile præfagio & amicorum reprehensionibus, & inimicorum calumniis, & reliquorum criminationibus obnoxium fore. Quibus ut non diffiteor me non parum commoveri (neque enim mihi cornea fibra est) ita non adeo me illis affici profiteor, ut à recto proposito & pro studio & necessario viæ

Christianæ & præsentis temporis officio me abduci patiar quo minus & mihi & aliis hodiernæ castigationis causas aliquatenus exponere & nos omnes ad poenitentiam provocare pro virili coner. Sed ne bene destinata male cedant, neve justam ulli offensionis ansam exhibeam, liceat mihi paucis præfari.

I. Non fert animus omnes eorundem criminum nedum iisdem gradibus reos peragere, sed nonnulla justæ accusationis capita indefinitè proponere, quæ singuli prout verbum Dei, & spiritus sanctus & ipsorum conscientia suggererint, sibi accommodare possunt, hoc scientes, quod quo quisque melior est, eo & curatiùs suos errores ipse observabit, & aliorum commotiones benigniùs excipiet, & Deo justitiæ gloriam, sibi peccata, pænasque eorum vindices lubentiùs imputabit: Boni hoc auxilium minimè spernent, & mali eo maximè indigent. Et quam-



*Praefatio.*

vis non pauca sequioris notæ crimina recensui, quorum reatu non multi inter Ministros nuper ejectos tenentur, cum tamen & paucorum habenda est ratio, & in exercendâ poenitentia excusatius est in excessu quàm in defectu peccare, placuit etiam ea producere quibus nec omnes nec plurimi sine manifestâ injuriâ onerari possunt, ut & rei habeant de quo doleant, & innocentes de quo Deum laudent, & omnes de quo sibi in posterum caveant.

2. Nec in me recipio vel omnium pietatem profitentium errata recensere (quod infinitum esset) vel atrociora schismaticorum non falso nomine dictorum flagitia, hæreses, apostasias, horrendas *αἰσχίας*, proculcatas leges, perturbatum omnem & Ecclesiæ & Reipublicæ ordinem, perfidiam, regicidium, aliaque ejusdem farinae perstringere, sed tantum Ministrorum peccata detegere, eorum nimirum quibus silentium nuperâ lege imposi-

tum est ; sed neque horum omnia in numerum redigere (quod impossibile) nec ea notare de quibus inter bonos ambigitur & reciprocatur adhuc serra disputationis ; sed de iis agere, quibus vix ulla prætexi potest ignorantia nebula, vel ullum excusationis velum, quibusque & conscientia reorum certius feriuntur & corda acrius pungantur, ut, si qui fuerint qui peccata silentio præterita tanquam vel calidè dissimulata, vel improbè defensa confinxerint, eos non immerito possum injuriarum postulare.

3. Quamvis in hodierno sigello non desint paternæ benevolentia argumenta, quibus solari se possunt & debent qui Deo & conscientia se & sua litârunt *eis præscriptis, & quædam* forte ad alios spectet, ut abusus gratia Evangelicæ in sceleratâ gente vindicetur, & salutaria animis in exitium præfractè ruentibus remedia subtrahantur, ne convertantur & sanentur,

*Praefatio.*

sanentur, & fines à Deo propositi sunt  
extra dubitandi aleam suis gratiosi, ut  
vel fidem, patientiam, constantiam,  
amorem, integritatem, obedientiam  
Christianorum & exploraret & ex-  
eiceret, vel fideles Ministros in futu-  
ros forte & gloriosos usus veluti con-  
dideret & præpararet; cum tamen  
*καὶ δὲ ἡ ἐκδοτικὴ* esse est *ἀναμνηστικὸν*,  
& cum in optimis residet sentina pec-  
catorum, & justa vindictæ divinæ  
materia, tutius multo est & utilius se-  
veram de nobis censuram instituere, &  
nostra (quæ certè nec negari debent,  
nec regi possunt) peccata sollicitè in-  
dagare & humiliter agnoscere, ut no-  
bis sub manu Dei humiliatis suo tem-  
pore reddat misericors at iratus pater  
lumen vultûs sui, & publicum libe-  
rumque exercitium officii nostri.

4. Licèt præsentis instituti scopus  
est Ministrorum crimina redarguere,  
non virtutes prædicare, eosque sen-  
su peccatorum coram Deo posternere,  
non

non laudum præconio coram hominibus ornare; Cum tamen ea est tum humani generis tum hujus præsertim protervæ ætatis iniquitas, ut reprehensiones alacrius excipiant, quàm laudes agnoscant, & vel ex ipsis contriti cordis confessionibus eliciant calumniandi materiam; & cum admodum finistrum de Ministris nuper ejectis multorum est judicium, quorum scilicet interest eos esse (vel saltem videri) quàm deterrimos, & aliis injuriis convitia addant, iisque exprobrent turpem inscitiam, & improbam pervicaciam, & quæcunque vel fingere potest ingeniosa nequitia, vel credere inveterata malitia, vel maligna invidia imputare, nemo mihi vitio vertat, si in defensionem justitiæ, veritatis, pietatis, quod nulli negari potest debitum iis exhibeam testimonium. Sciat igitur universus Christianus orbis ad quem mendacis calumniæ vox pervenerit,

venerit, & sciat æquior posteritas  
nostro partium studio tandem eman-  
cipanda, quod tota fere Anglia ag-  
noscit, nec ipsi diffitentur Adversa-  
rii ( qui non omnem cum consci-  
entia candorem excusserunt ) Mini-  
stros in Bartholomæana clade prostra-  
tos, vel eorum saltem plurimos ( neq;  
enim de singulis loquor, nec opus  
est ) licet si ad trutinam sanæ pa-  
ginæ & tribunalis divini examinen-  
tur, libenter se reos fateantur, ut  
qui maximè; si tamen cum aliis non  
paucis componantur, & ad humani  
juris morisve amissum exigantur, ea  
esse ( præfiscinè dicatur quod extor-  
quet necessitas ) ingenii solertiâ, gra-  
vitate judicii, doctrinæ copiâ, dexte-  
ritate prædicandi, sinceritate cordis,  
innocentiâ morum per Dei gratiam  
præditos, ut contrariæ calumniæ  
quamvis fortiter impactæ minimè hæ-  
reant, nec nisi illis qui ipsos aut  
nesciunt, aut implacabiliter oderunt,  
fidem

*...propterea.*  
fidem ullam faciant, nec ab iis credantur, qui alios credere vellent. Non sunt infrunitum hominum genus, qui vel importuno inanis gloriæ studio, vel stultâ proterviâ, vel improbâ pervicaciâ, vel calido consilio abdicationem officii sibi præceperunt: Non adeò vilis est in eorum oculis aut Christi gloria, aut animarum salus; non ita prolubium est tantillis nominibus & semet infamiæ cum periculo conjunctæ, & familias suas summis (quibus multi implicantur) angustiis prodere: Neque hoc credi potest ab iis qui ipsorum vel saltem plurimorum inter ipsos modestiam, prudentiam, duram paupertatem (non obstantibus copiosis & splendidis muneribus quibus ipsos beari fingunt qui vel seipsos onere eximere, vel Ministros invidiâ gravare satagunt) veram pietatem ardensq; Christi serviendi desiderium norunt, nec credi debet

*Prefatio.*

debet ab illis quibus ignoti sunt. Non sunt, non erant ( appello illos omnes qui eorum & conciones audiverunt, & labores vivendiq; consuetudinem inspexerunt ) ignavum fucorum pecus mella alienis laboribus parata depascentes, & in suis præsepibus inutiliter latitantes, non ineruditum & rerum divinarum imperitum genus, quibus doceri opus erat quæ sint elementa initii eloquiorum Dei, non sacerdotum ligneorum gens, qui nihil habent Ministri præter inanem titulum, sacerdotalem stolam forte & opima prædia: Non scribarum progenies, qui onera aliorum humeris gravia imposuerunt, suis detraxerunt, ignavi operâ, theologi sententiâ: Non opprobria religionis, & Ministerii propudia, & mali moris exempla, contagiem in greges suos derivantia. Non osiores bonorum sub aliis titulis pietatem impetentes: Non inter comes-

sationes

sationes & pocula & ebriosorum  
 consortia & profanorum greges  
 tempus terentes, & suaviter luxuri-  
 antes, sed fideles in vinea Domini  
 operarii, indefessâ diligentia, ardenti  
 divinæ gloriæ zelo, & peccati odio,  
 vehementi & suæ & aliorum salu-  
 tis procurandæ studio, liberâ peccan-  
 tium *fine προσωποληψία* reprehensione, vi-  
 tâ ad doctrinæ suæ normam (seclu-  
 sis humanis infirmitatibus) accuratâ  
 conspici, & in foro humano incul-  
 pati; Ut frustra fuerint qui ex se-  
 quentibus confessionibus (tanquam  
 araneæ venenum ex optimis floribus)  
 cavillandi ansas arripient, & adver-  
 sus eos tela falsarum accusationum  
 torquebunt vel in irritum itura, vel  
 in propria capita fortiùs recusura.

5. Et ultimò, Nollem à me in hoc  
 imprimis negotio expectari vel styli  
 elegantiam, vel methodi accurationem:  
 Non enim Criticorum palatis litare  
 studui, sed Ministrorum conscientis  
 aculeos



aculeos ingerere. Reprehendant me Grammatici, modò nosmet ipsos reprehendamus. Ministri sic stylus & humilior & asperior; Sapit naturam operis. Nec refert quo ordine, sed quâ fide & veritate peccata traduxi. Sufficiat igitur impræsentiarum his me cancellis concludere, & hanc rudem veluti *συναγραφήν* delineare: Peccata Ministrorum respiciunt vel

1. Dotes Ministeriales & susceptionem illius muneris.

2. Vel administrationem singulorum officiorum, præsertim adversus greges suos.

3. Vel executionem officii erga Ecclesiam imprimis universam.

4. Vel convictum cum amicis, cognatis & domesticis.

5. Vel vitam & consuetudinem suam inter homines universos.

6. Vel errantes à via veritatis.

7. Vel commilitones in Ministerio.


8. Vel præsens flagellum suspensionis

onis & silentii illis imperati. De his ordine agendum.

Et hæc sufficere possunt ἐπεὶ προῖτα  
 ρίαις λόγῳ. Jam rem ipsam bono cum  
 Deo aggrediamur.

## ERRATA.

Pag. 17. l. 6. pro *metis* lege *curis* : p. 21. l. 10.  
 l. *hereticorum* : p. 22. l. ult. pro *certius* l. *rectius* :  
 p. 25. l. 22. pro *de l. h. e* : p. 27. l. 18. l. *utilitatio-*  
*nibus*, *acerbis diffidiis* : p. 28. l. 11. l. *instituerent* :  
 p. 37. l. 8. l. *præteriti* : p. 38. l. 9. l. *comparemus* :  
 p. 39. l. 8. pro *et* l. *ut* : p. 43. l. 6. pro *indicemus*  
 l. *judicemus* : p. 44. l. 14. l. *relegantes* :







## CAP. II.

*Peccata Ministrorum respectu dotum  
Ministerialium & susceptionis illius  
muneris.*



Unde nonnulli ad Ministerium & suis & suor-  
rum votis designati,  
vel nullo vel levi  
tanti onere sensu  
tangerentur, nec  
amplitudinem officii,  
difficultatem operis, propriam imbecillita-  
tem frequenti & serâ cogitatione versa-  
rent, nec anhelarent ad illam doctrinam &  
pietatis eminentiam tam Augusto munere per-  
cessariam, nec justum temporis pretium po-  
nerent, sed integros subinde dies, fors &  
mensures vel nihil vel aliud agentibus elabi pa-  
rentur, nec divinum auspiciū & auxi-  
um præsentibus studiis vel futuris cona-  
B. tibus

ribus, fervidis precibus & solennibus jejuniis, ut par erat, implorarent.

2. Quod Ministerium capeſſebant nonnulli manifeſtè indigni & ſuâ tantum æſtimatione idonei. Quod vel eruditione, ingenio, prudentiâ leviter imbuti, vel verâ pietate vacui, tremendum hoc munus & ſordidè ambiebant & ovantes excipiebant, quaſi Apoſtolo exprobrantes exclamationem ſuam *οἷς τὸ ὑπὲρ τῆς ἰσχύος*, heu quam diſpares antiquis illis luminibus, Chryſoſtomo, Auguſtino, Athanaſio, aliisque quos ad mentionem tanti muneris horror invaſit, nec ſine gemitu & lacrymis & graviffimis populi obteſtationibus adacti ſuſcipere auſi ſunt!

3. Quod alii in hoc munus temerè ſe ingeſſerunt, non vocati à Deo ſicut Aaron, non expectatis aliorum ſuffragiis & ordine (quem Chriſtus præſcripſit) inſuper habito; alii ſine ullo delectu & examine prævio vel de naturâ vocationis vel de conditione admiſſionis, & quod præſentibus ſemper acquieverunt, & rerum potentibus ſe permiferunt, & conſcientias ſuas præſentis vitæ commodis mancipârunt non *κατὰ* ſed *κατὰ τὴν δυνάμειν*.

4. Quod rem præſtantiffimam malis finibus corrumpèrent, nec zelo gloriæ Dei &

& Christi, vel curâ animarum impulsî officium pastorale susceperent, sed præposterâ & pravâ φιλαυλία, ut sibi & suis necessitatibus prospicerent, ut famæ suæ velificarentur, ut in aliorum conscientias Dominium obtinerent, nec iis quibus Christus & omnes ὅντων Χριστιανοὶ nominibus vocationem suam æstimarent, nempe ut Deo fruendo & regno Servatoris sui ampliando, & æternæ hominum salutis promovendæ liberius vacare possent, quodque alia nonnulla hujus sæculi munera vel externo splendore augustiora, vel mundanis commodis uberiora limis intuerentur.

5. Quod de peccatis Academicis justum nondum conceperant dolorem, nec temporis jacturam ibi factam resarcire conati erant, nec maculas ibi iniustas fructibus penitentiæ dignis eluere, nec evidentes doctrinæ defectus supplere; nec pro annis & auxiliis ætate nostrâ uberius concessis doctiores evadere & indies proficere sategerant, nec studiis suis, ultra quam præsentis operis postulabat honesta tractatio, incubuerant, quin potius tempus non jam suum nec hos in usus quæsitum, & hebdomadas sæpe integras vel vanis occupationibus, vel curis sæcularibus impenderant.

6. Quod scientiam & eruditionis ornamenta & illa *καίρια* quibus comparatur gloria inter homines pluris aestimant & enixius quæsiwerunt, quam veram virtutem & incrementa pietatis quibus conciliatur favor Dei, lucernæ potius doctrinæ lucentes quam sanctitate ardentes, & quod Angelici doctores audire mallerent quam vitæ *ισάγγελος*.

## C A P. II.

*Peccata Ministrorum quoad administrationem singulorum officiorum, præsertim adversus Greges suos.*

1. **Q**uod in solennia & publica officia prorumperent sine debitâ illâ præparatione quam & Domini sui præsentis Majestas & operis nobilitas & animarum dignitas exigerent, quod illi etiam quibus in Grege erat masculus, non raro Deo offerrent in atriiis domus ejus & in medio tui O sanctæ Hierosolyma quod cæcum, & claudum, & ægrotum, & vili illis constitit, quod studiis, meditationi & orationi minus quam par



par erat, incumberent, nec concionibus exarandis dignam adhiberent curam & industriam, nec intra privatos parietes precum fervore & animi contentione divinam benedictionem implorarent, nec cordibus & conscientiis suis insculperent, quæ aliorum animis inscribenda curarent.

2. Quod in administratione muneris sui non eâ, quâ decebat, simplicitate in gloriam Dei & animarum salutem oculos intenderent, nec Christum sed seipsos auditoribus commendarent, & cultu divino sacrificarent ambitioni suæ, nec contenti testimonio Dei, & suæ conscientiæ, à populari existimatione penderent, & aliorum de se sententias callidè venati avidèque haurientes, vel secundâ illâ aurâ animos attollere, vel adversâ abjicere solerent.

3. Quod non omne consilium Dei Gregibus suis proposuerunt, nonnulla in gratiam hominum vel penitus celantes, vel leviter tractantes, vel frigidè suadentes, nec eâ in correptionibus tum publicè tum privatim dispensandis *παρρησία* usi sunt, quam postulabant & autoritas Dei & necessitas animarum, veriti vel offensionem amicorum, vel iras magnatum, vel conscientiæ suæ reprehensionem (dum quæ in alijs

B 3

redarguerent,

( 6 )  
redarguerent, in seipfis soverent) & quod  
eam materiam & methodum in formandis  
concionibus usurpârunt, quibus vel sudori  
suo parcerent, vel honori & commodis  
consulerent, nec prout exigent status tem-  
porum & auditorum salus & officii sui ratio,  
studia & sermones direxerunt.

4. Quod in publico cætu oscitanter &  
repidè sacra tractarent, quod in prædicatione  
verbi non eâ uterentur simplicitate &  
evidentiâ quâ suorum mentes optimè in-  
formarent, nec eâ potentiâ & demonstra-  
tione spiritûs, quâ conscientias in obsequi-  
um cogerent, nec eo zelo quo corda  
auditorum veritatis amore accenderent.

Quod in precibus Ecclesiæ nomine concep-  
tis, nec debitam adhiberent curam in  
verbis (ne quid divinâ maiestate tantoque  
officio indignum crumperet) nec idoneâ  
animi contentione & vehementiâ eas funde-  
rent, quin potius verborum vel ineptiis  
vel phaleris, rerum vel imperitiâ, vel in-  
cogitantâ, vel errore, affectuum vel stupore,  
vel tepore, pretiosum Christi institutum  
pessimè contaminarunt, præcellentissimum  
spiritus sancti donum objecerunt impiorum  
ludibriis & invidorum cavillis, & socordiam  
in Auditoribus aluerunt.

5. Quod

3. Quod manifesta officia verterunt in contentiosas disceptationes & diversas muneris sui partes (quas omnes peragere debuerunt) inter se committere soliti sunt, quod alii prætextu publici operis privata vel parochiæ vel familiæ vel secreti munia neglectui habuerunt; alii tempus gregibus suis & debitum & plane necessarium privatis studiis & promovendæ eruditioni vindicarunt. Et, ut verbo dicam, quod quæ cum damno vel dedecore vel sudore conjuncta erant officia, variis artibus & ingenii strophis eludere conati sunt. Qualia sunt inter cætera quæ sequuntur.

1. Personalis & particularis ovium cura, quæ si minus ex apertis Scripturæ testimoniis potuisset demonstrari, ac saltem ex amore Christi & zelo gloriæ divinæ & verâ erga animas ejus defectu pereuntes charitate debuisset diligenter exerceri, nec aut studiis minus necessariis, aut inanibus oblectamentis aut mundanis negotiis locum cederet.

2. Libera peccantium correptio sine ullo personarum respectu: Quod peccata magnatum vel amicorum aut exemplo suo nequiter firmârunt aut verborum lenociniis molliiter foverunt, aut turpi silentio dissimularunt,

mulârunt, aut segniter arguerunt, eorum  
gratæ condonantes officium & omnibus  
lege charitatis necessarium & Ministris ra-  
tione muneris specialiter impositum.

3. Frequens & affabilis conversatio cum  
pauperibus Christianis. Quod eos quos  
Christus præ cæteris elegit, nonnulli ipsius  
Ministri, pro rejcctis habuerunt: Quod  
in palatiis divitum tempus terere & humi-  
liorum tuguria non sine contemptu præe-  
rire soliti sunt, declinantes eorum confor-  
tium è quibus nec honori, nec utilitati suæ  
prospicere potuerunt.

4. Illa supra alios liberalitas & munifi-  
centia erga egenos quam ab iis & exemplum  
Domini & ratio officii & hominum expe-  
ctatio postulabant, quod stigma illud ava-  
ritiæ Ministris inustum de quibusdam &  
dici potuit & non refelli.

5. Fidele & strenuum disciplinæ Ecclesi-  
asticæ exercitium quam non minus com-  
mendare omnibus, quàm negligere pluri-  
mis solenne erat; Quod eam nec collapsam  
restituere, nec constitutam exerce, nec  
labantem suffulcire studuerunt, plus metu-  
entes offensionem hominum quàm iram  
Dei, & honori vel otio vel commodo suo  
potius consulentes quàm rationi coram  
summ

summo tribunali reddendæ & Ecclesæ pro  
viribus ædificandæ.

6. Tempeliva ægrotantium visiatio,  
Quod hoc ultimum & summè necessarium  
officium vel improbè deseruerunt, vel diu-  
tius, quam par erat, tardârunt, vel impru-  
denter, indiligenter, fraudulenter admini-  
strarunt: Quod Romani sacrificuli enxi-  
orem operam pervertendis ægris non  
raro adhibere visi sunt, quàm nonnulli  
Evangelici Ministris convertendis & sa-  
nandis. Quod hominum vel metu vel  
gratiâ medicinam perituris animis debitam  
aut penitus subtraxerunt, aut fædâ adu-  
latione temperârunt, aut nimîâ verborum  
mollitiæ enervârunt, nec morbos ostæn-  
dere, sed tegere, nec torporem excutere,  
sed periculosam quietem fovere in curis  
votisque habuerunt. Quod nec in ægro-  
tantibus salutarem pœnitentiam & seriâ  
emendandæ vitæ vota & studia elicere, nec  
in convalescentibus conscientiam reficere,  
& votorum solutionem importunis & assi-  
duis flagitationibus urgere conati sunt.

6. Quod successum laborum & profectum  
gregis nec sollicitè quærerent nec diligenter  
explorarent, nec merito ardore à Deo  
peterent, nec ejus defectum justo dolore  
deslerent,

deserent, nec impedimenta istius proven-  
tus quoad poterant, submoverent, nec  
omnia ad eum necessaria adminicula tum  
publicè tum privatim subministrarent.

---

### C A P. 3.

*Peccata Ministrorum circa executionem  
officii erga Ecclesiam imprimis  
universam.*

1. **D**Effectus justæ sollicitudinis pro uni-  
versâ ecclesiâ singulisq; ejus par-  
tibus; Quod nec statum ejus diligenter  
scrutari nec peccata & calamitates deslere,  
nec pro salute ipsius excubare solerent, quod  
nonnulli ecclesias externas nihili penderent,  
& exoptatissimam inter reformatas omnes  
unionem aut nequiter impedirent aut pa-  
rum promoverent, pacem Ecclesiæ sine  
gravi causâ turbarent, acerba dissidia &  
atrocia schismata levibus irritamentis &  
vanis prætextibus excitarent, fratribus  
cordolia, hostibus ludibria, omnibus scan-  
dala exhibentes: Quod studium partium  
& privatarum opinionum etiam in rebus  
aut

ut nullius aut exigui momenti, communi  
totius Ecclesiæ bono, & propagationi simul  
honorique Evangelii perperam antepone-  
rent: Et quod augustis suorum gregum  
confiniis curam suam circumscriberent, nec  
oculos, consilia, conatus (prout res  
postulaverit & occasio permiserit) ad alias  
vel animas vel Ecclesias extenderent.

2. Quod impiorum curam aut penitus  
detrectarent, aut inviti susciperent, & licet  
exemplo Christi docerentur se Medicos  
in primis ægrotis fuisse constitutos, &  
Ministros convertendis peccatoribus, &  
regno Christi ampliando præcipi è destina-  
tos, libentius tamen versarentur inter  
bonos, & piorum ædificationi operam da-  
rent (quod illis mollius & suavius erat)  
quam malis è faucibus Satanae eripiendis  
(quod Ecclesiæ utilius & Christo gloriosius)  
quasi sibi consulere potius quam divinæ  
gloriæ inservire in votis esset: Quod  
malorum inscitiam, stuporem & protervi-  
am non eam tulerunt lenitate & patientia  
quæ erga ipsos Deus usus est, quam Christus  
exercuit & Apostolus præscripsit, 2 Tim. 2.  
& Tit. 3. quin potius illos fellinart  
quàm oportebat ad canes revertere, arunt ut  
deploratum eorum statum (quem animis  
tantum

tantum suis præceperant ) ignavia  
solicitudinæq; suæ præexerent, quasi  
illis antiquius esset quodvis *κατασκευαστον* &  
segnitiei asylum comparare (ne sanguinis  
rei tenerentur) quam conversionem &  
salutem animarum seriò procurare.

3. Quamvis in multis parum idoneis  
inolevit pessimum scripturiendi cacoethes,  
unde & sibi contemptum & veritati, quam  
defendendam suscipere, præjudicium  
conflarent, dolendum tamen est & inter  
peccata jure recensendum, quod illi  
quos Deus uberioribus donis & ad scri-  
bendum accommodis ditaverat, tam utile  
talentum (non frustra sane iis concedi-  
tum) in terram defoderent, præsertim cum  
usuram istius muneris exigerent & propug-  
natio pietatis & veritatis patrocinium &  
pericula animarum & (vel Ethnicorum  
exemplo commendata) cura posterorum,  
& natura officii à Deo instituti ut testimo-  
nium darent veritati. Quod horum silen-  
tio & proculcata jecit veritas, & pretiosæ  
animæ in errorem actæ sunt, & triumphavit  
blasphemia, & defensio sanæ doctrinæ illis  
tanquam jure successionis obtrigit, qui dum  
vindicarent optimam causam inimicorum  
sannis exponerent.



## CAP. IV.

*Pecata Ministrorum respectu convictus cum  
amicis cognatis & domesticis.*

**N**Imius citra necessitatem convi-  
ctus cum impiis vel vanis qui nec  
iplos facerent meliores, nec ab ipsis fie-  
rent: Quod non utiliter cum iis versa-  
rentur tanquam medici ad procurandam  
eorum salutem, sed suaviter tanquam ami-  
ci ad fovendam cum istorum perniciem  
suam delectationem: Ex altera parte  
neglecta nimis si non contempta bono-  
rum societas, ad quam eos & inclinavit  
novæ naturæ cognatio, & impulit com-  
munis utilitas & obligarunt authoritas  
Dei, exemplum sanctorum, Christiana  
charitas & iusta piorum expectatio:  
Quod horum consortium nec pro digni-  
tate æstimarent, nec pro usu ejusq; singu-  
lari necessitate sitirent; nec libenter &  
sponte eligerent, nec frequenter adhibe-  
rent, nisi vel bonorum precibus victi, ve  
secularibus commodis inducti, vel accu-  
sante conscientia impulsæ.

2. Quod

2. Quod in privatis congressibus cum amicis vel paræcis vel obviis aut malè gesserunt, aut infructuosè, opere diruentes quod verbo ædificabant, & ubi oportuit specimina edere veræ pietatis omnique solidæ virtutis & doctrinam coram hominibus ornare, ibi non raro documenta dederunt humanæ infirmitatis, & levitatem superbiam, iram, contentionem reliquaque naturæ depravatæ argumenta exemplo suo populum docuerunt, & quos debuissent odore virtutum suam perfundere, iis potius vitiorum suorum inquinamenta affricarunt unde tristissimi effectus secuti Evangelii dedecus tanquam ἀρετῆς ἀδύναμις & contemptus Ministrorum tanquam impostorum venalibus linguis populi crumena emulgentium; & magno conatu quas nugas & fabulas tacitè credant agentium, piorum dolor acerrimus, & communis infamia, improbi ad æternam perniciem in suis sceleribus confirmati & mundo judice justificati.

3. Quod aliqui vel nullo, vel non ad scripturæ amissim formato delectu familiaræ suæ membra adsciscerent, quod hi qui speciali titulo & filii & homines Dei vocantur, filias hominum (διαπληκῶς, Gen. 6. sic

fic dictas ) quas vellent, in uxores coop-  
 rarent, nec tam pietate, quàm forma vel  
 divitiis vel nobilitate conspicuas: Nec si  
 quos domesticis adscripserant deterioris  
 notæ, sedulam navarunt operam ut meli-  
 ores efficerent, ut quos invenerant lateri-  
 tios, relinquerent marmoreos: ut ignaros  
 cognitione Dei, vanos & terrenos serio  
 pietatis studio & cœlestium desiderio, pra-  
 vos & corruptos Christianis virtutibus im-  
 buerent. Et quod levioribus conatibus  
 vel frigidis votis contenti, suorum con-  
 versionem ignaviter molirentur, nec ( ut  
 postulabat officium, ) seriis obtestationibus,  
 sanis consiliis, continuis precibus reliquisq;  
 id genus subsidiis perituras animas ex in-  
 ferni faucibus eriperent ( quas eam forte  
 ob finem providentia numinis sub tectum  
 domus suæ miserat. ) Et quod conjugalem  
 societatem vel verterent in voluptatis ille-  
 cebram, vel saltem non converterent in spi-  
 rituale commodum & auxilium pietatis  
 & salutis.


4. Quod in familiis suis non ambulave-  
 rint integri & inculpati, nec specialia status  
 sui munia fideliter peregerint, adversus  
 mores perversi & acerbi, adversus liberos  
 incuriosi & remissi, adversus servos impro-  
 bi

bi & ansteri. Unde religioni probè  
 conflatum, & Ministro os velut fidei  
 prædolum, ne debitâ & necessariâ libe-  
 ratate argueret domestica aliorum pecca-  
 quorum reatu ipsum propria implici-  
 conscientia, & mali mores ad alias fami-  
 traducti qui ( ut mos hominum est ) oc-  
 lis magis fidunt quàm auribus, & facili  
 exemplo Ministri prava docentur con-  
 scientie naturâ, quàm ex verbis & præ-  
 nio recta & honesta natura ( ut nunc  
 habet ) renitente.

5. Quod peccata domesticorum nec de-  
 bitâ indagarent diligent â, nec increparent  
 necessarî â severitate, nec authoritate  
 Deo concessâ coercerent, nec lachry-  
 idoneis deplorarent: Quod mandata sua  
 in rebus etiam levioribus præmissis  
 servis acrius reprehenderent & gravius  
 castigarent, quàm leges Dei ab iis non  
 sine contemptu violatas: Quod nec mo-  
 destius peccantibus tempestivam adhibe-  
 rent medicinam, nec insanabiles peccato-  
 res è familiis suis exterminarent.

6. Quod vulgaribus pietatis exercitiis  
 domi suæ prætijs acquiescerent iis con-  
 tenti, quæ ipsos ab inania sprete religi-  
 onis vindicarent & ab ultionibus conscien-





tie stimulis fartos tectos servarent, non  
entem anhelarent ad illud perfectionis  
culmen & in bonis operibus *προσενδια* ab  
illis jure sperandam quos Deus constituit  
in salem & lucem mundi, & magna Chri-  
stianorum exemplaria, neq; hoc in <sup>cu</sup> ~~cu~~is  
vorisq; haberent ut (sicut cubitus Sanctu-  
arii vulgo existimatur communem duplo  
excedere) in eorum familiis esset *π. μεγαλο*,  
& domestici sui reliquis irrigatioris fo-  
rent, quod non immerito expectari po-  
terat ab iis quos Deus & amplioribus do-  
nis in aliorum, præsertim suorum, usum  
cumulaverat, & ad eminentiorem pietatis  
professionem & praxin speciali titulo ob-  
ligavit.

C

C A P.

## CAP. V.

*Peccata Ministrorum ratione vite & constantinis sua inter homines universos.*

1. **Q**uod doctrinam Servatoris nostri ab illis publice prædicatam vivendi modo minus congruo infamarunt, & magna locuti, parva vixerunt, & onera auditoribus rigidè imposita ipsi detrectarunt; quæ aliis præceperant Christianæ vitæ officia habentes neglectui, & licet non turpissimis sceleribus conspurcati, in peccatis tamen & nimis multis & satis magnis, quæ gregibus suis acriter expronaverant, frequenter volutantes: Hinc contempta quæ sacrosancta esse debuit Ministerii autoritas, sugillatus prædicationum fervor tanquam artis imperio vel impetu naturæ, non beneficio gratiæ elicitus, monitiones omnes & justissimæ reprehensiones tanquam in monitorem recidens enervatæ & irritæ factæ, & (quod gravissimum) religionis Majestas doctorum ἀντιπαῖς primum temerata; mox à profano vulgo derisui habita.

2. Quod



2. Quod nonnulli dum aliorum animabus aliquo modo prospicerent, suas usque; deq; haberent, & dum Ecclesiæ vineam colerent, suam heu nimis incultam relinquerent, neque hæc iis cura penitus insideret ut seipso cum aliis fervarent, ut lux sua fulgeret coram hominibus, ut vitâ non minus vocali quàm sermone peccatores ad resipiscentiam excitarent, nec diligentiam supra cæteros conspicuam gloriam Dei & suam aliorumque salutem promoverent, nec fructus ferrent dignos vel tam gloriosâ professione, vel tam nobili & cœlesti munere in quo Angelorum privilegia illis indulserrat Deus, ut faciem ejus perenni usurparent intuitu, ut à mundanis feriarentur negotiis, & quolibet Dies Deo rebusque divinis tanquam festos agerent, ut suis aliorumque animabus æternum servandis unicè invigilarent.

3. Quod aliqui in toto fere vitæ cursu reliquis plane *omnino* *seis* essent, & à vulgo fidelium non tam virtute & moribus quàm cultis & veste discreti, nec se à contagio ætatis & mundi plane immunes servarent, nec supra turbam emerent, sed communi peccatorum velut flumine abrepti, eadem non raro quæ vulgares Christiani senti-

C 2

rent,

rent, & scirent & viverent, nec tam illis  
virtutes suas imprimerent, quàm ab iis  
sæpe vitiomm labem contraherent, iisdem  
licet non externis fugitiis, internis tamen  
cupiditatum stimulis, & irarum fluctibus,  
& terrorum cæstris, & linguæ erratis, &  
vanæ, incompressæ, infructuosæ vivendi  
consuetudini identidem obnoxii, nec ut  
illustris ille prædicatorum Patriarcha  
Heb. 11. 7. delicta impii mundi, exempli  
sui luce damnarent.

4. Quod coram hominibus non essent  
*ἀπροσκόπι* nec idoneam vitandi scandali  
haberent rationem, & contra præceptum  
& praxin Domini sui, Rom. 15. sapius  
sibi placere malient ad ruinam quàm aliis  
ad ædificationem, nec raro voluntatis suæ  
& inconditæ cupiditatis expletionem cum  
aliorum offendiculo conjunctam honor  
Evangelii & exoptato laborum successu  
& animarum saluti iniquissimè antefere-  
rent.

## C A P. VI.

*Peccata Ministrorum respectu errantium  
à viâ veritatis.*

**Q**uod Ministris interdum non immerito imputari poterant origo et incrementa errorum, et ab illis errantium lapsibus et seductorum deceptionibus occasio subministrata est, nec uno quidem modo.

1. Quorundam inscitiâ et rerum divinarum imperitiâ qui veritati ab hæreticorum strophis vindicandæ minus sufficerent, et (quod pudendum) defectu eruditionis ægrè sacram doctrinam tuerentur, quàm multi errorum patroni oppugnarent.

2. Vel quod fastidiosâ acerbâque vivendi ratione Greges suos à frequenti & familiari congressu (quem inter populum & Pastorem incedere oportuit) arce-rens, & qui debuissent tantâ humilitate & morum suavitate convictum suum condire quæ ipsos Adversarios et sibi et veritati

ritati conciliarent, tantâ morositate asperârunt consuetudinem suam ut amicorum etiam animos nonnunquam à se alienarunt.

3. Vel quod nimio summi juris studio se in leviculis populo opponerent, & in amaras contentiones (vel suo nec exiguo dispendio ex mandato & exemplo Pauli, 1 Cor. 6. redimendas) temere se induerent, & vel minimos juris sui apices non sine gravissimâ aliorum offensione & labe Ministerii & animarum periculo pervaciter prosequerentur.

4. Vel quod segniter se gererent in reformanda (dum tempus tulit) Ecclesiâ, nec debitam iisque inprimis mandatum inter pretiosa & vilia discretionem exercerent, nec submoverent justam offensarum materiam, sed vel præposterâ indulgentiâ foverent, vel turpi socordiâ permitterent eas in Ecclesiis suis labe, quas alii in schismatis ansam arripuerant.

5. Vel quod palantibus animis in ipsis morbi initiis non statim occurrerent, nec ad eorum statum prudenter & humiliter se accommodarent, nec indefesso studio niterentur eos <sup>res</sup> ~~certi~~ius instituere & in viam veritatis

veritatis revocare, sed vu'neratis animis  
 paterentur callum obduci, & renellis pri-  
 mitiùs errorum radicibus robar acquiri do-  
 nec inveterasceret morbus, & ipsa remedia  
 non tempestivè adhibita, vel obtunderet,  
 vel vinceret, vel etiam in sui fomitem con-  
 verteret, & quod eorum curam præpro-  
 perè abjicerent, nec idoneâ lenitate pro-  
 tervitatem ferrent, & conversionem ma-  
 nerent, nec precibus, lacrymis, jejunis (ut  
 æquum erat in perditione animarum cum  
 dedecore & damno Ecclesiæ & probro  
 Christi conjunctâ) ut sibi redderentur &  
 veritati, strenuè molirentur, nec ipsi im-  
 potes consulerent fratres & eorum posce-  
 rent auxilia, ut junctis viribus oves causæ  
 suæ reduces sisterent.

6. Vel quod docendi oscitantiâ, impe-  
 ritiâ rerum gerendarum vivendique incu-  
 riâ ipsi sibi detraherent authoritatem quâ  
 labantes coercerent, & prædicationem suam  
 justâ fide & virtute spoliarent, & populum  
 ad quærendos alios duces (ut fors ferret)  
 quodammodo abigerent.

CAP.

## CAP. VII.

*Peccata Ministrorum adversus commilitones in Ministerio.*

I. **M**anifestus inter eos φιλαδέλφια de-  
fectus quod alii alios verbo tan-  
tum & linguâ dilexerunt, non opere &  
veritate, nec aliorum oneribus humeros  
supposuerunt suos, nec quæ humanitûs  
acciderant παρορμήματα vel obduxerunt cha-  
ritatis velo, vel candoris ἐπιεικεία censue-  
runt, nec dolores & gaudia mutua par-  
ticipârunt: Quin potius inconditis passio-  
nibus, atrocibus contentionibus μάχη &  
sine causâ susceptis & sine modo agitis,  
publicis diffidiis, nonnunquam & flagran-  
tibus odiis suam & Ecclesiæ pacem turbâ-  
runt, religionis (ut ita dicam) nudita-  
tem impiis revelârunt; dissidentibus Chri-  
stianis exemplo suo velut classicum ceci-  
nerunt, repulerunt animas ad Christum  
accedentes, & operi Dei cursuique Evan-  
gelii perniciosissimum obicem posuerunt.  
Et quod levissima ἐπιποδοξίας momenta in

rantas

tantas exoptant similitudines ut excellen-  
tium Christi servorum (horresco referens)  
& lapsibus & probris & ipsâ morte vel  
ratiè gauderent vel etiam aperitè trium-  
pharent.

2. Fraternalis correptio (cujus ipsi &  
maximum usum norunt & summam ne-  
cessitatem populo identidem inculcârunt)  
vel penitus neglecta vel perperam exer-  
cita: Quod alii alios nec diligenter cu-  
stodirent ne laberentur, nec lapsantibus  
adjutrices manus sufficerent, nec errabun-  
dos fidei monitione revocarent: Quod  
etiam qui reprehensoris munus & sibi  
& aliis obisse visi sunt adeo vel impru-  
denter, vel negligenter, vel rarò, vel fri-  
gidè præstiterunt, Deumque potius pro-  
vocarent violatione mandati, & pretiosas  
fratrum animas perderent detectu medi-  
cine morbo accommodæ quàm vel ipsis  
offensionem (licet omnino necessariam)  
vel sibi invidiam (licet gloriâ & officio  
param) conflarent. Et quod illi qui in  
ultam reprehensionis causam inciderant,  
nec ipsi mala sua dignoscerent & medi-  
cam fratrum manum vel petulanter re-  
puerent vel ægrè ferrent & (quod præ-  
dicantes inter proprias & pessimas hypo-  
critarum

critarum notas recensere solebant) reprehensorem grato semper animo colendum torvè intuerentur, & peccata (quæ humiliter agnoscere honestius fuisset & tutius) ingenio & eruditione in propriam perniciem versis vel improbè defenderent, vel vanis elevarent prætextibus, vel etiam dolo è regerent & interdum audenter negarent.

3. Quod juniores Ministri venerabilem fratrum & patrum in Ministerio canitiem despiciatui haberent, licet in viâ justitiæ repertam, & amplioribus donis instructam, eorum pia monita (quæ & diligenter exquirere debuissent & reverenter suspicere) effræni licentiâ spernere, & sana consilia juvenili præcipitantiâ & ἀυθαδείᾳ respuere soliti.

Invidentia de aliorum donis illustrioribus, angustiori famâ, uberiori successu concepta: Quod humanos fratrum lapsus & ipsi propensius observarent & ab aliis observatos libentius audirent, quàm præstantissima in iis χαρίσματα agnoscerent. Quod laudes illis lege justitiæ & charitatis debitas vel improbè negarent, vel clanculum celarent, vel malitiosè arderent, vel malignè tribuerent, extortis vir-



tutum præconiis vituperia miscentes :  
 Quasi minus apud ipsos valuissent &  
 ratio membri, & natura officii, & honor  
 Christi, & cursus Evangelii ad prolicien-  
 dum eorum gaudium de communi & pub-  
 lico beneficio quàm cœcus amor sui &  
 perversum gloriæ desiderium ad excitan-  
 dum livorem sibi non minus molestum  
 quàm aliis odiosum.

4. Quod non junctis viribus & mu-  
 tuis precibus atque consiliis opus Domini  
 promoverent, sibi que invicem auxilio es-  
 sent, quod sociales fratrum conventus  
 pro usu & necessitatibus Ecclesiæ institutos  
 aut insolenter spernerent, aut calumniæ  
 invidiæque metu vitarent, aut socorditer  
 negligerent, aut inutilibus colloquiis, fri-  
 volis vitilitigationibus, dissidiis, perversis con-  
 siliis corrumpere & irritos redderent :  
 quod decreta de præstandis suis officiis  
 promovendis Ecclesiæ animarumque  
 commodis licet communi calculo probata,  
 ubique, & à Deo mandata & à fratribus  
 non sine suo consensu commissa vel tanquam  
 adium in vagina recondiderent vel indili-  
 genter executioni mandarent.

## CAP. VIII. &amp; ultimum.

*Peccata Ministrorum circa præsens flagellum suspensionis & silentii illis imperati.*

1. **Q**uod cum providentia Dei sonora satis voce hanc Plagam interminata esset, & eam in fratribus non paucis inchoasset, reliqui paternis his præmonitionibus vix tandem expergefacti essent, nec accuratum cordium & viarum scrupulum instituerint, nec debito timore paternæ iræ indicia exciperent, nec omnes peccatorum & pravarum cupiditatem fibre evellerent, nec precibus, jejniis & sermone poenitentiam in se & aliis excitatam indignationis divinæ procellam ingruentem avertere, eumque & sibi & genti propitiæ pro viribus contenderent.

2. Quod tremendam hanc (quia spirituales & publicam) Plagam obrusio sensu percipiant, nec eo suffundantur rubore, vel afficiantur dolore qui eos in primis decet, in quorum faciem coelestis

pater inspuit, & quos de sublimi depul-  
 sos, tanquam vasa ad dedecus facta, ab  
 altari & præsentiâ suâ procul abigit, nec  
 (quod in profundis doloribus fieri so-  
 lenne est) solatia respuant, & lacrymis  
 (nunc si unquam necessariis) indulgeant,  
 nec deliciis præsentis ævi luctuoso tem-  
 pore illicitis renuncient, nec sibi in licitis  
 quem oportet modum ponant, & (quod  
 indecorum) sub insolitis vindictæ divitæ  
 & signis & effectibus usitatis pietatis exer-  
 citiis nonnulli libenter acquiescant.

3. Quod causas præsentis castigationis  
 nec ipsi secum serio pensitant, nec com-  
 municatis inter se consiliis & libratis ra-  
 tionum pondecibus diligenti indagine scru-  
 rantur. Quod dum aliorum vitia &  
 sagaciter explorant, & perspicere cernunt,  
 & acriter reprehendunt, sua interim vel  
 dissimulant, vel defendunt, foris aquilæ,  
 domi talpæ, nec ea quæ & inimici ipsi  
 improperant & indicant fratres sibi impu-  
 tent, nec sine turpissima tergiversatione  
 agnoscunt; tantumque abest ut redimant  
 Christi honorem suâ infamâ, ut probra  
 peccatis suis debita à propriis capitibus  
 accent in ipsum Evangelium & Servato-  
 rem casura.

4. Indecora

4. Indecora mollires & impotentia ferendi flagelli. Quod invidiam & infamiam ab impiis illatam (quàm vel Ethnici in bona causâ laudi ducerent) muliebriter ferant, nec enim Mose probra Christi inter *καμμία* reponant: Quod nec paternam Dei ferulam debitâ patientiâ & gratitudine excipiant, nec inimicorum injurias (prout Christus præscripsit) benevolentiam & precibus compensent, nec tam eorum peccata deflent (quod Evangelio ignominiam comparant & aliis perniciem) quàm de iis in sinu gaudent (quod sibi laudi, ipsis opprobrio tandem & exitio futura augurantur) nec ob tremenda Dei judicia illis interdum divinitus immissa miseratione tanguntur, sed suâ causâ latentur & triumphos agunt. Quod profundius ipsos pungant & gravius premant paupertas, contemptus, injuria et reliquæ præsentis vitæ molestiæ & difficultates quas in se incumbere sentiunt, quàm vel propria delicta vel gentis & ætatis scelera in Deum atrociter indies admissa, vel calamitosa Ecclesiæ facies, vel lamentabilis animarum status defectu visionis quotidie perentium, nec tam anxii sunt de arcâ De-

quâ

quàm de suis necessitatibus solliciti. Quod  
 quæ aliis prædicarunt rerum adversarum  
 beneficia & solatia ipsi parum sentiant;  
 quod ægrè eos afficiat perpeffionum sua-  
 rum intuitus quàm jucundè perfundat  
 multiplex quæ inde percipi posset utilitas,  
 conformitas cum Domino demonstranda,  
 testimonium veritati perhibendum, exem-  
 plum fidei, obedientiæ, patientiæ aliis  
 constituendum, cupiditates carnis & mundi  
 crucifigendæ, & vita accuratiùs refor-  
 manda. Et quod præsentium malorum  
 sensus, immensa tum antea acti temporis  
 tum adhuc residua munera & memoriis  
 & cordibus suis excusserunt.


§. Quod à publicâ administratione  
 exclusi & magnâ parte inutiles redditi  
 nonnulli adeo non gement sub miserâ  
 vitæ infructuosæ, ut de laborum immu-  
 nitate taciti sibi gratulantur, nec fervidis  
 votis cœlum pulsant, Deique favorem &  
 opem implorant, ut ora deobstruat &  
 plenam libertatem illis reddat, nec  
 opportunitates Ecclesiæ ædificandæ &  
 servandarum animarum vel studiosè ve-  
 rantur vel ingeniosè excogitant, vel avidè  
 accipiunt, vel fructuosè tractant, nec (quoad  
 leges licet) vel junioribus in viâ Do-  
 mini

mini erudiendis strenuè incumbunt; v  
adultioribus & familiis κατ' ἑκαστον docend  
invigilant, vel fortuita cum aliis colloqui  
ad eorum aut conversionem, aut profectum  
καὶ δὲ πάντα dirigunt.

6. Defectus Christianæ *οὐκ ἀδελφίας* erg  
fratres sub onere duræ paupertatis fati  
centes, quod nec ipsi horum dolores in sui  
visceribus sentiant, nec alios justo eorum  
sensu afficiant, nec illi Ministri quibus  
ampliorē bonorum hujus mundi copiam  
Deus indulsit, singulari liberalitate aliorum  
munificentiam provocant, sed onera quæ  
aliis imponunt ipsi detrectant, vel non eo  
gradu suscipiunt quem & fratrum non uno  
nomine *οὐκ ἀδελφίας* & ultimæ multorum ne  
cessitates, & excellens officii dignitas &  
eximia plurimorum virtus eruditione or  
nata, & aliorum charitas indies frigescen  
jure postulare videntur.

7. Quod cum suis aliorum peccata non  
iusta prosequantur lamentatione, quod præ  
terita nec unquam satis deffenda homi  
num fidem pietatemque profitentium so  
lera adversus omnes & justitiæ leges  
religionis normas insolenter patrata mi  
nus quàm causa exigit vel agnoscant vel  
doleant; quod præsentis ævi & diei in  
dic







357  
dixas impietates, hypocrisin, injustitiam,  
infandas libidines, tremenda perjuria &  
reliqua quæ & fidem & numerum exce-  
dunt flagitia sine lacrymis & luctu vel  
auribus vel oculis usurpent.

8. Quod minori quam oportet curâ  
officii sui & cognoscendi & colendi tan-  
gantur, & quæ ad rectores suos aliosve  
attinent curiosius rimentur quàm quæ  
ad se suaque munia spectant vel scruten-  
tur vel præstent, eorumque peccata dili-  
gentius observent & severius castigent,  
quàm quæ à se sunt admissa, & futuros  
eventus speratamque liberationem (quam  
nonnulli facis audacter pollicentur præ-  
staturus esse) lubentius cogitent, quàm  
quid à se exigit Deus, & postulat hodie;  
eius rerum status, expendant.

**D**

**EPILO-**

## EPILOGUS.

**A**Tque hæc pauca è multis delibasse  
 sufficiat, ut excitentur acutiora ali-  
 orum ingenia, vel refriquentur memoria &  
 conscientia ut & sibi aliqualem veræ hu-  
 militationis fomitem reperiant, & uberiores  
 promovendæ poenitentia segetem fideiiter  
 indigant, scientes & finem paternæ  
 hujus <sup>reliquis</sup> à Deo Iperatum, & officium  
 nobis impositum esse, ut corda & vias  
 diligentissime scrutemur & ad Deum cito  
 revertamur, ut nosmet ipsi judicemus ne  
 à Deo adhuc seyeritis judicemur. Si  
 quid à me peccatum sit vel in susceptione  
 vel tractatione hujus operis, à Deo pri-  
 mum, deinde à venerandis patribus &  
 fratribus in Ministerio veniam humiliter  
 peto; errata mea monstranti & luben-  
 cedam, & gratias quas possum maxima  
 persolvam: Si quid durius dictum vide-  
 bitur, nemo mihi jare irasci potest; ne-  
 que enim omnibus nec plurimis singulis  
 has dicas impingere vel dictavit  
 animus vel permittit veritas. Siqui  
 minutionem

minutioris notæ peccata traduxi, qualia  
vel in optimos ( ὅλοι οὖν ῥήτορες ἔσονται )  
interdum solent obrepere, prependant  
& verus verivertium Clericorum nugæ  
esse blasphemias, & exigua vulnera cum  
neglectui sint non raro mortem attulisse,  
& eam esse veræ pœnitentiæ naturam ut  
vel in minimis amplam satis doloris ma-  
teriam inveniatur, & Deum in eorum le-  
vissima ἀμαρτήματα ( quos vel officii san-  
ctitas, vel illustrior pietatis professio ad  
se proprius adduxerat ) solere in hac  
vitâ gravius animadvertere quàm in  
atrocissima aliorum scelera quos formi-  
dandâ patientiâ ad inexplicabiles alterius  
vix furias reservavit. Siqui sint qui  
his accusationum spiculis innocentie suæ  
clypeum objicere possunt, absit ut iis vel  
invidiam gratiam Christi, vel justum ne-  
gem testimonium. Veruntamen cum pec-  
catorum omnium accurata cognitio, suus  
habet insignes & multiplices usus in his  
sciam qui inquinamenta multa effugerant,  
ut vel elapsi temporis peccata agnoscant,  
vel communem naturæ pravitatem ( ex  
quâ tanquam ex radice pullulant omnes  
id genus fructus ) deplorent, vel debitas  
Deo conservatæ pietatis & probitatis  
D 2 laudes

laudes tribuant, vel ut aliorum exemplis  
edocti, & sibi diligentius caveant, & auxi-  
lia divinæ gratiæ enixius quærant, vel ut  
reorum delicta suis prosequantur lacrymis;  
nemo est qui mihi vitio vertet si acriori  
stylo nonnulla perstrinxi, nec quisquam  
mecum irascetur nisi qui prius de se vult  
confiteri. Brevi voto concludam omnia.  
Dei Deus optimus maximus nobis omni-  
bus spiritum scientiæ & sapientiæ, ut pec-  
cata quæ ullo jure nostra dici possunt,  
perspicuè cernamus, liberè fateamur, serio  
desicemus, animum detestemur & penitus  
ex cordibus vitisque nostris eliminemus;  
ut officia hujusce diei & status nec turpi-  
ter ignoremus, nec cognita negligamus,  
nec præstita unquam deseramus. Tum  
tu gratiosissime Deus & fons omnis mi-  
sericordiæ, cum probasti nos ut aurum  
in fornace, & sub manu tuâ humiliasti,  
converte captivitatem nostram, condona  
nobis pristinæ libertatis abusum, præsen-  
tisque contemptum; concede nobis hac  
unâ vice ut faciem tuam iterum videa-  
mus, tibi que in unitate spiritus, puritate  
cordis, integritate vitæ serviamus, ut  
olim, in Sanctuario. *Amen.*

Ανακεφαλαιώσεις περὶ ἐπιτομῆς.

**E**T quoniam nec Deo acceptum erit, nec nobis commodum peccata prius admissa plangere, iterumque plangenda admittere, nec sufficit dolere de præteritis nisi in posterum caveamus; Demus operam fratres Charissimi, ut præteritis temporis neglectus futurâ diligentiam resarciamus, & multiplices elapsæ ætatis errores in residuo vitæ nostræ spatio ad amissum corrigamus.

I. Vacationem publici muneris à Deo concessam studiis (quoad per justam rei familiaris procuracionem licet) impendamus, ad præstantissima *χρίσματα* ardentè anhelemus quibus vel nostram scientiam promovere, vel erronum audaciam compescere fraudesque detegere, vel Ecclesiæ necessitatibus consulere possimus; inprimis tamen illam *καθ' ὑπερβολὴν ἰσθὶ* obnixissimè sectemur, nec solidam doctrinam à sincerâ pietate divelli patiamur. Sint incrementa nostra in

cognitione & gratiâ Christi omnibus conspicua. Quod reliquum est vitæ & temporis quovis pretio redimamus, nec ejus usuram vel Deo ingratam, vel nobis ingloriam, vel aliis inutilem esse sinamus.

2. Singulis officii nostri partibus, quoad licet, strenuè incumbamus; comparamus nobis vires & virtutes omnes iis vel necessarias vel idoneas, obices & impedimenta prout amoveamus; singulari studio & debitâ præparatione intendamus omnes ingenii animique vires, à nobis nostrisque commodis aver-  
tentes oculos; & in Servatoris gloriam & salutem animarum unice dirigentes, contenti theatro divinæ præsentiae & propriæ conscientiae. Quo minus publicis muneris exercitiis licet incumbere & universos docere, eo diligentius compellemus singulos, & privatarum familiarum ædificationi operam demus, peccantes sigillatim corripiamus, ægrotis *de quibuslibet*, sanis *de quibuslibet* consilia fideliter propinemus, nec divites nimis suspicientes, nec infimæ sortis homines fastidientes, sed salutem omnium nullo discrimine procurantes, & hujus & sequentis

quentis mundi bona, prout exigit a-  
rum necessitas, & nostra patitur facul-  
tas, liberali manu subministrantes. Et  
quæ ab aliis neglecta à nobis peragi ne-  
queunt, lacrymis precibusque nostris  
Deo committamus.

3. Sint oculi nostri hoc sensu in fini-  
bus terræ, ~~et~~ conversionem barbararum  
gentium vehementer sitiāmus, & pro vi-  
rili nostrā promoveamus. Exterarum  
Ecclesiarum & dolores & gaudia nostra  
sentiant præcordia. Extendamus affe-  
ctus & cogitationes nostras ad omnes  
locos, Ecclesias, homines, nec patiamur  
curam nostram intra angustos præsen-  
tis sæculi fines coerceri, sed commentan-  
do, consulendo vel alio quovis modo  
(pro mensurā donorum à patre lumi-  
num commodatā) posterorum negotium  
agamus.

4. Sit consuetudo nostra cum bonis  
spontanea, cum malis necessaria, cum  
omnibus prudentiā, ~~anxiētia~~, utilitate  
conspicua; cum aliis consuescamus quia  
boni sunt; cum aliis, ut sint. Habeant  
omnes familiæ in nostris speculum in  
quo & errata sua discernant, & officia  
discant. Domesticos nostros imbuamus

doctrinâ salutarî & sanis consiliis servidissimis precibus commendemus divinæ benedictioni, authoritate nostrâ coercemus intra fines à Deo positos, nec cuiquam pravo exemplo aut calumniandi ansam, aut peccandi materiam suppeditemus. Ita vivamus intra privatos parietes tanquam Deus videat, tanquam omnes homines audiant: Sic luceat lux nostra inter vicinos ut in nostrâ praxi intueantur regulam vitæ, ut in nobis habeant reliqui mariti, parentes, magistri quo & sibi peccata sua exprobreant, & veluti mensuram suorum officiorum accipiant, nec iisdem quidem vulgus Christianorum cancellis nostra pietatis exercitia concludi patiamur.

5. Doctrinam quàm olim sermone, nunc vitâ prædicemus & opere ornemus; quem aliis paravimus animæ cibum convertamus ipsi in succum & sanguinem; normam quàm aliis præcepimus nostris actionibus constanter applicantes, nec ea in nobis probantes, quæ in aliis reprehendimus; nec permittamus vivendi rationem infra dignitatem muneris subsidere, nec quicquam agamus quod vel nobis possit contemptum parere, vel

Evangelio



(47)  
Evangelio convitium facere, vel Ministe-  
rio invidiam conflare, & Angelos non  
magis sublimitate muneris quàm sancti-  
tate vitæ repræsentare satagamus.

6. Sit quotidie ob oculos animosque  
nostros nos à Christo in defensionem  
veritatis & errorum subversionem esse  
constitutos, & boni non minus pastoris  
esse palantes oves revocare quàm stantes  
pascere. Sint mentes nostræ solidæ &  
salutari cognitione penitissimè imbutæ,  
quæ vel sanam doctrinam propugnare,  
& credentium fidem confirmatam dare,  
vel omnes perniciosarum opinionum fi-  
bras evellere, & ἀντιπαρὸν tum ora ob-  
struere, tum conscientias convincere possi-  
mus. Sint corda nostra & amore veritatis,  
& miseratione animarum in erroris devia  
traductarum, & odio omnis prævæ soliginis  
corruptorum dogmatum flagrantia: Sit  
vita nostra eâ accuratione composita,  
suavitate condita, humilitate ornata,  
ut & veritati auctoritatem conciliare  
possit, & contradicentibus pudorem  
invenire. Quod publicè non datur  
privatim agamus, nec cum sublati be-  
neficiis pereat officii sensus & anima-  
rum cura; & cum greges integros non  
licet,

licet, at saltem exemplo Domini vel singulas ejus oves hinc inde vagantes requiramus, eorum inscitiam, stuporem, proterviam leniter feramus, & perspicuè docendo, ἀπροσπολήπταις monendo, affabiliter compellendo, obnixè hortando, indefessè laborando, eorum κατάρτησιν strenuè moliamur.

7. Discamus tandem Ministri mutuas συμπεροσβυτέροis & præstare operas, & ab iis accipere, & quod in multis non poterat officii operisque societas, amorem saltem conciliet periculorum atque perpeffionum communio. Amandetur spiritus contentionis, invidiæ, odii ad infernas suas origines, nullam per nos habiturus resurrectionem, & ex puro corde fervidoque affectu diligamus alii alios, & nobis invicem serviamus. Necessarium illud correptionis officium & fratribus summâ fide præstemus, & ab iis præstitum grato animo colamus, & in intimos cordis recessus lubenter admittamus, beatos illos aculeos non petulanter evellentes, sed fortius ingerentes. Honorem ætati donisque fratrum debitum liberali manu lætoque animo tribuamus, nec ullam vel animum  
demus

demus quò vel superiores invidentiam nobis exprobrare, vel inferiores contemptum nostrâ culpâ imputare possint: Quod bonum est in singulis alacriter agnoscamus; quod malum candidè regamus & modestè iudicemus: Alii aliorum & onera portemus, & commoda queramus; preces, consilia, conatus (quoad licet) invicem communicemus, ut afflictiones nobis immissas æquius ferre, officia huiusce diei & status tum clariùs despicere, tum diligentius peragere possimus.

Fratrurn publicè prædicandi libertate gaudentium manus in veritate & pietate propugnandâ suffulciamus, salutem animarum quoad possumus prospicientes, & nos ipsos ab omni & affectuum intemperie & actionum aversa purgantes, & in viis Domini inoffenso pede ambulantes.

8. Assuescamus peccata tum nostra tum aliorum & præterita deplorare, & præsentia pro viribus expurgare, & utraque accuratè scrutari, liberaliter fateri, implacabili odio prosequi. Arrigamus aures cordium ut flagelli divini & vocem audiamus & mentem intelligamus: In severitate hominum agnoscantes justitiam Dei, nec sine nostro merito

merito nobis hæc accidisse somniantes  
 Examinemus omnes animorum latebras  
 & viarum anfractus, & nosmet coram tri-  
 bunali divino sistamus reos & secundum  
 Deum judicemus: Procul à nobis absint  
 non solum crimina, sed omnis criminum  
 suspitio, & vel prima facies vitiorum.  
 Horreat animus vel nostra mala defen-  
 dere, vel aliorum dissimulare, sed mu-  
 tuis monitis & fidis consiliis nos invicem  
 ad seriam profundamque pœnitentiam  
 provocemus. Tristissimos paternæ ira  
 effectus idoneo sensu & digno dolore ac-  
 cipiamus, lyras nostras resurgentes ad sa-  
 lices, Ecclesiæ & animarum miseras lar-  
 gis lacrymarum imbribus deflentes: No-  
 stras autem injurias & calamitates fortiter  
 ferentes, nec fiduciam in Deo ejusque  
 promissis turpiter abjicientes, commit-  
 tamus causam nostram justo mundi &  
 Ecclesiæ judici. Debitas supremo numi-  
 ni grates solvamus, à quo hanc non  
 multis misericordiam nacti sumus ut fide-  
 les essemus, ut ipsi fidem, veritati testi-  
 monium, conscientiae obsequium in media  
 irarum, contumeliarum & multiplicium  
 injuriarum atque ærumnarum procellis  
 lubenter exhiberemus. Inimicos nostros  
 secundum

(15)  
secundum præstantissima Servatoris præ-  
cepta tractemus, ultionem nec meditantes,  
nec optantes, nec de eorum peccatis læte-  
mur, nec judicia Dei iis vel illata, vel  
prædicta sine Christianâ *συνμαρτυρίᾳ* accipia-  
mus. Illis quem licet caudorem, nobis  
cenfuram impertiamus. Nostra magis  
inquiramus quæ Deus patefecit officia,  
quàm divina quæ in occulto posuit confi-  
lia investigemus; à nobis potius salutarem  
perpeffionum usum exigentes, quàm à  
Deo miseriarum finem vel sine causâ præ-  
foribus esse sperantes, vel sine modo  
flagitantes. Quæ lege conceditur pascen-  
darum animarum libertatem sedulo usur-  
pemus; quæ negatur à Deo ardentè &  
indefinenter petamus, & pleniorè docen-  
di facultatem (tanquam cervus aquarum  
rivos) impatienter sitiamus. Fratrum no-  
strorum (quibus res angustissima domi) &  
indigentia subvenire conemur simul &  
modestia consulere. Eorum angustias no-  
stra sentiant viscera, nostroque exemplo  
non minus quàm prece aut consilio alio-  
rum munificentia eliciatur. Regi Carolo  
reverentiam, dilectionem, obedientiam  
quàm debemus fideliter præstemus; eique  
vitam longam, perennaturam gloriam,  
pietatem

pietatem eminentissimam, consilia op  
felicisque exitus habitura. Populu  
~~ex~~ <sup>ex</sup> ~~xupis~~ <sup>xupis</sup> morigerum cum publicè non datu  
privatis, sed contentissimis precibus ince  
santer voveamus, Ut tandem coloph  
nem imponam, Quæcunque vera sunt  
quæcunque veneranda, quæcunque iust  
pura, quæcunque vel amorem con  
ciliant, vel laudem extorquent, quæcun  
que vel virtute vel hōnore digna sunt, e  
constanter cogitemus, vehementer ambi  
amus, sedulò prosequamur. Et cum  
greges nostri auribus suis vivendi docu  
menta à nobis haurire nequeunt, habeant  
ob oculos inculpatum exemplar consue  
tudinis nostræ. Cum non licet nobis ef  
se *filii tonitru* prædicandi potentia, simus  
saltem *filii lucis*; vivendi puritate, & præ  
luceamus omnibus salutari jubare omni  
genæ virtutis Angelicæque pietatis; Quo  
faxit Deus in Christo per Spiritum, Amen

FINIS.

